



詩所第四十三卷

五言古詩

竹扇

二首前首一作班固

晉許詢

供時有度量異好有團方來風堪避暑靜夜致清涼
良工眇芳林妙思觸物騁篋疑秋蟬翼團取望舒景

燈

習鑿齒

煌煌閒夜燈脩脩樹間亮燈隨風煒燁風與燈升降

望孤石

宋鮑照

江南多暖谷襍樹茂寒峯朱華抱白雪陽條熙朔風蚌
節流綺藻輝石亂煙虹泄雲去無極馳波往不窮嘯歌
清漏畢徘徊朝景終浮生會當幾歡酌每盈衷

五言古詩 卷四十三
詠栴榴枕

許瑤

端木生河側因病遂成妍朝將雲髻別夜與蛾眉連

詠博山香爐

齊劉繪

參差鬱佳麗合沓紛可憐蔽虧千種樹出沒萬重山上
鏤秦王子駕鶴乘紫煙下刻螭龍勢矯首半街蓮旁爲
伊水麗芝蓋出巖間復有漢游女拾羽弄餘妍榮色何
雜揉縹繡更相鮮麝麝或騰倚林薄杳芊蕞掩華終不
發含薰未肯然風生玉階樹露湛曲池蓮寒蟲悲夜室
秋雲沒曉天

和劉雍州繪

梁沈約

範金誠可則摛思必良工凝芳自朱燎先鑄首山銅瓌
姿信崑嶠奇態實玲瓏峯嶸互相拒巖岫杳無窮赤松
遊其上歛足御輕鴻蛟螭盤其下讓首盼層穹嶺側多
奇樹或孤或複叢巖間有佚女垂袂似含風翬飛若未
已虎視鬱餘雄登山起重障左右引絲桐百和清夜吐
蘭烟四向克如彼崇朝氣觸石繞華嵩

詠扇

二首後首一云詠七寶畫圖

齊丘巨源

瓊澤映冰鱗清風生月輪畫作景山樹圖爲河洛神倡
樓出素手歌席動丹唇宛轉含嬌意偏宜桃李人
妙縞貴東夏巧媛出吳閨裁如一作白玉壁縫似明月

五言古詩 卷四十三
輪表裏鏤七寶中街駭雞珍畫作景山樹圖爲河洛神
來延揮握玩入與鑲釧親生風長袖際晞華紅粉津拂
盼迎嬌意隱映含歌人時移務忘故節改競存新卷情
隨象簞舒心謝錦茵厭歇何足道敬哉先後晨

詠竹火籠

謝朓

庭雪亂如花井冰粲成玉因炎入貂袖懷溫奉芳褥體
密用宜通文邪性非曲本自江南墟嫵娟脩且綠暫承
君玉指請謝陽春旭

同詠

無名氏

結根終南下防露復披雲雖爲九葉扇聊可滌炎氛安

能偶孤白鶴卵織成文覆持鴛鴦被百和吐氛氲忽爲

織手用歲暮倚

一作羅裙

鏡臺

謝朓

玲瓏類丹檻茗亭似玄闕對鳳懸清冰垂龍挂明月照
粉拂紅粧插花理雲髮玉顏徒自見常畏君情歇

燈

發翠斜漢裏蓄寶宕山峯抽莖類仙掌銜光似燭龍飛
蛾再三繞輕花四五重孤對相思夕空照舞衣縫

燭

杏梁賓未散桂宮明欲沈暖色輕帷裏低光照寶琴徘徊

五言古詩 卷四十三 三
徊雲髻影的爍綺疏金恨君秋月夜遺我洞房陰

同柳惲虞炎王融詠坐上所見一物得席

本生潮汐池落景照參差汀洲蔽杜若幽渚奪江蘿遇
君時採擷玉座奉金卮但願羅衣拂無使素塵彌

同詠

梁柳惲

照日汀洲際搖風綠潭側雖無獨蠶輕幸有青袍色羅
袖少輕塵象牀多麗飾願君蘭夜一作夜闌飲佳人時宴息

詠簾

虞炎

青軒明月時紫殿秋風日臃臃引光輝
晻曖映容質清露依檐垂蛸絲當戶密
寒開誰共臨掩晦獨如失

詠幔

王融

幸得與珠綴累歷君之楹月映不辭卷
風來輒自輕每聚金鑪氣時駐玉琴聲
但願置尊酒蘭缸當夜明

同沈約詠坐上玩器得烏皮隱几

謝朓

蟠木生附枝刻削豈無施取則龍文鼎
三趾獻光儀勿言素韋潔白沙尚推移
曲躬奉微用聊承終宴疲

詠竹檳榔盤

梁沈約

梢風有勁質柔用道非一平織方以文
穹成圓且密薦羞雖百品所貴浮天實
幸承歡醕餘寧辭嘉宴畢

詠筆

梁武帝

昔聞蘭蕙月獨是桃李年春心倘未寫爲君照情筵

詠燭

堂中綺羅人席上歌舞兒待我光泛灑爲君照參差

賦書帙

昭明太子統

擢影兔園池抽莖淇水側朝映出嶺雲暮聚飛歸翼幸
襍紉囊用聊因班女織一合軒羲曲千齡如可卽

詠水中樓影

簡文帝

水底梁魚出萍間反宇浮風生色不壞浪去影恒留

奉和

王臺卿

飄飄似雲度亭亭如蓋浮熟看波不動還是映高樓

石橋

簡文帝

惠子臨濠上秦王見海神寫虹便欲飲圖星逼似真

奉和

庾肩吾

秦王金作柱漢帝玉爲欄仙人飛往易道士出歸難

奉和

蕭若靜

連延過絕澗迢遞跨長津已數逢仙客兼曾度傷人

壞橋

簡文帝

虹飛巨林際星度斷山隅斜梁懸水跡畫柱脫輕朱

奉和

徐摛

匝欄生闇蘚覆板沒魚衣岸曲斜梁阻何時香步歸

賦得橋

簡文帝

浮梁旣衝嶮通波信可陵乘空寫渭石跨岸擬河水斜
闌隱濁霧布影入清澗方知歌綠水無待榜蒼鷹

梁塵

依帷蒙重翠帶日聚輕紅定爲歌聲起非關團扇風

詠筆格

英華表玉笈佳麗稱蛛網無如茲制竒雕飾雜衆象仰
出寫含花橫抽學仙掌幸因提拾用遂廁璇臺賞

詠鏡

四一銖恒在側誰言覽鏡稀如米不見水似扇長含

輝全開玳瑁匣併卷織成衣脫入相如手疑言趙璧歸

奉和

高爽

初上鳳凰墀此鏡照蛾眉言照長相守不照長相思虛
心會不採貞明空自欺無言故此物更復對新期

奉和

朱超道

折花須自插不用暫臨池當由可憐面偏與鏡相宜安
釵釧獨響刷髮袖俱移唯餘心裏恨影中恒不知

奉和

王孝禮

可憐不自識終爾因鏡中分眉一等翠對面兩邊紅轉
身先見動含笑逆相同猶嫌鏡裏促看人未好通

賦得白羽扇

簡文帝

可憐白羽扇却暑復來氛終無顧庶子誰為一揮軍

詠籠燈

動焰翠帷裏散影羅帳前花心生復落明銷君詎憐

詠池中燭影

元帝

魚燈且滅燼鶴焰暫停輝自有銜龍燭青光入朱扉映

水疑三燭翻池類九微入林如燐影度渚若螢飛河低

扇月落霧上珠星稀章華終宴所飛蓋且相追

牀詩

宣帝

衡山白玉鏤漢殿珊瑚支踞膝申久坐屢好為頻移

詠紙

皎白猶霜雪方正若布基一作基宣情且記事寧同魚網

時

麈尾

匣上生光影毫際起風流本持談妙理寧是用椎牛

詠履

雙見待聲宣並飛時表異處卑彌更妍常安豈悲墜

詠弓

虞人招不進繁氏久稱工已悲軒主跡復挹楚王風

詠竹火籠

臨賀王正德

楨幹屈曲盡蘭麝氛氲消欲知懷炭日正是履霜朝

賦得翠石 應令

南鄉侯推

依峯形似鏡構嶺勢如蓮映林同綠柳臨池亂百川碧
苔終不落丹字本難傳有邁東明上來遊皆羽仙

賦得山

庾肩吾

層雲霾峻嶺絕澗倒危峯刻削臨千仞嵯峨起百重行
曦上杳杳結霧下溶溶仁心留此屬休奉愧羣龍

詠孤石

朱超道

侵霞去日近鎮水激流分對影疑雙闕孤生若斷雲遏
風靜華浪騰烟起薄曛雖言近七嶺獨立不成羣

賦得曲澗

劉孝威

澗流急易轉溪竹暗難開近樓俄已失前洲忽復迴石
岸生寒蘚沈根漬水苔菱舟失道去歸鳧迷徑來

詠冰 應教

沈君攸

日華照冰彩灼爍自相明陰潭欲半解陽岸已全輕未
釋苔文隱將銷草氣生稍得觀魚上非獨見狐驚儻逢
魏后術當驗可為城

詠井

范雲

乃鑿長林曲有浚廣庭前即源已為浪因方自成圓兼
冬積溫水疊暑泌寒泉不甘未應竭既涸斷來翮

悲廢井

因舊未嘗改緣甘故先竭歷稔久無禽一朝見開滌泌
泉既斯涌短綆將安設已獲丁氏利方見管公綵

詠玉階 一作何子朗

鮑子卿

玉階已夸麗復得臨紫微北戶接翠幄南路抵金扉重
疊通日影參差藏月輝輕苔染珠履微歛沸 一作吹拂羅衣
獨笑崑山曲空見青鳥飛

賦得簾塵

徐摛

朝逐珠胎卷夜傍玉鈎垂怕教羅袖拂不分秋風吹

詠胡牀 應教

庾肩吾

傳名乃外域入用信中京足欹形已正文斜體自平臨
堂對遠客命旅誓初征何如淄館下淹留奉盛明

詠帳

沈約

甲帳垂和壁螭雲張桂宮隋珠既吐曜翠被復含風

詠筆

徐摛

本自靈山出名因瑞草傳織端奉積潤弱質散芳煙直
寫飛蓬牒 一作引 橫承落絮篇 一作逢提 握重寧憶仲
升捐 一作掌

為傅建康詠紅牋

江洪

雜彩何足竒惟紅偏作可灼爍類藻開輕明似霞破鏤

五言古詩 卷四十三 九
質卷芳脂裁花承百和且傳別離心復是相思裏不值
情牽人豈識風流座

與虞記室諸人詠扇

何遜

如珪信非玷學月但爲輪機杼靡蕪妾裁縫篋笥人搖
風入素手占曲掩朱唇羅袖幸拂拭微芳聊可因

詠畫扇

一作高爽

鮑子卿

細絲本自輕 綵何足眄直爲發紅顏謬成握中扇乍
奉長門泣時承柏梁宴思粧開已掩歌容隱而見但畫
雙黃鵠莫作孤飛燕

賦得轉歌扇

庾肩吾

團紗映似月蟬翼望如空迴持掩曲態轉作送聲風

詠五彩竹火籠

沈氏

可憐潤霜質纖剖復毫分織作迴風苕

一作迎風縷製一作裁

爲縈綺文含芳出珠被耀綵接緗裙徒嗟今麗飾豈念

昔凌雲

一作剖出楚山筠織成湘水紋寒銷九微火香傳百和薰氤氳擁翠被出入隨細裙徒悲今麗質豈念昔凌雲

詠燈

吳均

昔在鳳皇闕七采蓮花莖陸離看寶帳爛熳照文屏檐
艷烟光轉氛氳霧裏輕能方三五夜桂樹月中生

前題

沈氏

綺筵日已暮羅帷月未歸
開花散四照含光出九微
風軒動丹焰水宇一作水檻澹青輝
不吝輕蛾繞唯恐曉蠅飛

詠殘燈

紀少瑜

殘燈猶未滅將盡更揚輝
唯餘一兩焰纔得解羅衣

詠燈檠

王筠

百華曜九枝鳴鶴映水池
朱光本內照丹花復外垂
流暉悅嘉客翻影泣生離
自銷良不悔明白願君知

詠蠟燭

執燭引佳期流影度單帷
腫臃別繡被依稀見蛾眉
莢明不足貴焦燼豈為疑
所恐恩情改照君尋履綦

賦得照基燭詩刻五分成

劉孝綽

南皮弦吹罷終奕且留賓
日下房櫳闈一作開華燭命佳人
側光全照局迴花半隱身
不辭纖手倦羞今夜向晨

和簾裡燭

劉孝威

開關簾影出參差風焰斜
浮光燭綺帶凝滴汗垂花

詠鞞應詔

蕭琛

抑揚應雅舞擊節逗和音
却馬既云在將帥止思心

寶劍

吳均

我有一寶劍出自昆吾溪
照人如照水切玉如切泥
鏐邊霜凜凜匣上風淒淒
寄語張公子何當來見携

詠輕利舟

應臨汝侯教

王筠

君侯飾輕利搖蕩邁飛雲
凌波漾鷁彩汎水渙蛟文
電流已光絕鳥逝復超羣
倏忽方千里戀茲岐路分

津渚敗船

江祿

可愛木蘭資可憐丹桂質
逐浪徒言是乘風還自失
草蔓艖長埋沙巨舫難出
陸沈成許去無復乘流日

詠司農府春幡

徐勉

播穀重前經人天稱往錄
青珪禮東甸高旗表治粟
透遲乘日風葱翠揚朝旭
平秩庭春司和氣承玉燭
豈伊盈八政兼茲辯榮辱
十千既萬取利民誰不足

詠領邊繡

沈約

織手製新奇刺作可憐儀
縈絲飛鳳子結縷坐花兒
不聲如動吹無風自裊枝
麗色儻未歇聊承雲鬢垂

詠脚下履

丹墀上颯沓玉殿下趨鏘
逆傳珠珮響先表繡袿香
裾開臨舞席袖拂繞歌堂
所歎忘懷妾見委入羅牀

和定襄侯楚越衫

江伯瑤

裁縫在篋笥薰鬢帶餘香
開著不忍看一見落千行

渫井得金釵

湯僧濟

昔者倡家女摘花露井邊
摘花還自插照井還自憐
窺

五言古詩 卷四十三
窺終不罷笑笑自成妍寶釵于此落從來非一年翠羽
成泥去金色尚如鮮此人今何在此物今空傳

詠剪綵花

劉孝威

葉舒非漸大花發是初開無論人訝似蜂見也爭來

前題

朱超道

淺深依樹色舒卷聽人裁假令春已度終住手中開

前題

鮑泉

花生剪刀裏從來訝逼真風動雖難落蜂飛欲向人不
知今日後誰能逆作春

詠步搖花

沈氏

珠華縈翡翠寶葉間金瓊剪荷不似製為一作花如自

生低枝拂繡領微步動瑤瑛但令雲髻插蛾眉本易成

一作諒非桃李節彌令蜂蝶驚

宴宣猷堂各賦一韻詠物次第用得帳屏風案唾

壺履

陳後主

錦作明玳牀黼垂光粉壁帶日芙蓉照因吹芳芬拆右

織成如續采琉璃畏風擊秦宮得絕超漢座殊班敵右

風

已羅七俎滿兼逢百品易張陳答贈言梁室齊眉席右

蘊仙此還異掌漏翻非役侍臣乃執捧良賓乃投擲右

賢舍觀穴踵瓜田覩躡迹矩步今有儀用此前嘉客

右履

三善殿夕望山燈

重岫多風煙華燈此岫邊涸浦如珠露彫樹似花鈿依樓雜度月帶石影開蓮既有常滿照羞與曉星連

奉和 一作柳詒

江總

百花疑吐夜四照似含春的的連星出亭亭向月新採珠非合浦贈珮異江濱若在扶桑路堪言竝日輪

宴光璧殿詠遙山燈

後主

照耀浮輝明飄颻落燼輕枝多含樹影煙上帶珮生雜

桂還如月依柳更疑星園中鶴采麗池上鳧飛驚

詠山 三首

釋惠標

靈山蘊麗名秀出寫蓬瀛香鑪帶煙上紫蓋入霞生霧捲蓮峯出崑開石鏡明定知丘壑裏併佇白雲情

蛾眉信重險天日本仙居金華抱丹竈玉笥蘊神書幽人披薜荔怨妾採薜蕪紫巖無暮雨何時逢故夫

丹霞拂層閣碧水泛蓬萊鰲岫含煙聳蓮崖照日開松門夾細葉石磴染新苔能令平子見淹留未肯回

詠水

祖孫登

驪泉紫闕映 一作龍川 珠浦碧沙沈岸闊蓮香遠流清

雲影深風潭如拂鏡山溜似調琴請君看皎潔知有澹然心

前題

釋惠標

曾添踈勒井經涌貳師營玉津花色亮銀溪錦積明舟如空裏汎人似鏡中行持將符上善利得動高情

賦得池

應教

張正見

遙天收密雨高閣映奔曦雪盡青山路冰銷綠水池春光落雲葉花影發晴枝琴樽奉終宴風月豈云疲

詠石

陰鏗

天漢支機罷仙嶺博棊餘零陵舊是燕昆池本學魚雲

移蓮勢出苔駁錦紋疏還當穀城下別自解兵書

詠孤石

釋惠標

中原一孤石地理不知年根含彭澤浪頂入香鑪煙崖成二鳥翼峯作一芙蓉何時發東武今來鎮蠡川

前題

定法師

迴石直生空平湖四望通巖根恒灑浪樹杪鎮搖風偃流還漬影侵霞更上紅獨拔羣峯外孤秀白雲中

詠石鯨

應詔

周弘正

石鯨何壯麗獨在天池陰騫鱗類橫海半出似浮深吞航本無日吐浪亦難尋聖帝遊靈沼能懷躍藻心

詠雙闕

江總

象闕連馳道天一作宇照方疏刻鳳棲清漢圖龍入紫

虛屢逢膏露灑幾遇祥烟初競言百尺麗寧方萬丈餘

詠斑竹掩團扇

周弘正

齊紈將楚竹從來本相遠將申湘女悲宜並班姬怨

破扇

許儼

蔽日無全影搖一作風有半涼不堪鄣巧笑猶足動衣

香

和陳主詠鏡

孔範

虎賁愁興日龍鏡覽顏時懷恩未得報空歎髮如絲

詠空鏡臺

陳叔達

卽今妝飾廢凋零衢路間嫦娥與明月相共落關山

破鏡詩

徐德言

鏡一作照與人俱去鏡歸人未歸無復姮娥影空留明

月輝

詠柏複

蕭麟

的的一作金紗淨離離寶撮一作分纖腰非學楚寬帶

爲思君

屏風

北齊蕭愨

秦皇臨碣石漢帝幸明庭非關重遊豫直是愛長齡讀

五言古詩 卷四十三 十六
記知州所觀圖見岳形曉識仙人氣夜辨少微星服銀
有秘術蒸丹傳舊經風搖百影樹花落萬春亭飛流近
更白叢竹遠彌青逍遙保清暢因持悅性情

麟趾殿詠新井

周宗懍

當爲醴泉出先令浪井開銅新九龍殿石勝凌雲臺

賦得鸞臺

庾信

九成吹玉琯百尺上瑤臺能將秦女去終是鳳凰來

詠畫屏風詩

二十五首

俠客重連鑣金鞍被桂條細塵鄣路起驚花亂眼飄酒
醺人半醉汗濕馬全驕歸鞍畏日晚爭路上河橋

浮橋翠蓋擁平旦雍門開石崇迎客至山濤載妓來水
紋恒獨轉風花直亂迴誰能惜紅袖寧用捧金杯

停車小苑外下渚長橋前澁菱迎擁楫平荷直蓋船殘
絲繞折藕芰葉映低蓮遙望芙蓉影只言水底然

昨夜鳥聲春驚鳴動四隣今朝梅樹下定有詠花人流
星浮酒泛粟瑱繞杯脣何勞一片雨喚作陽臺神

逍遙遊桂苑寂絕到桃源狹石分花逕長橋映水門管
聲驚百鳥人衣香一園定知歡未足橫琴坐石根

到一作想

三春冠蓋聚八節管弦遊石險松橫植巖懸澗豎流小
橋飛斷岸高花出迴樓定須催十酒將來宴五侯

高閣千尋起長廊四注連歌聲上扇月舞影入琴弦澗
 水纔窗外山花即眼前但願長歡樂從今盡百年
 日晚金槌絡朱軒流水車轆拂緣堤柳蕩飄夾路花定
 迎劉碧玉將過陰麗華非是高陽路莫畏接羅斜
 徘徊出桂苑徒倚就花林下橋先勸酒跂石始調琴蒲
 低猶抱節竹短未空心絕愛猿聲近唯憐花徑深
 千尋木蘭館百尺芙蓉堂落日低蓮并行雲礙芰梁流
 水桃花色春洲杜若香就階猶不進催來上伎牀
 搗衣明月下靜夜秋風飄錦石平砧面蓮房接杵腰急
 節迎秋韻新聲入手調寒衣須及早將寄霍嫖姚

出沒看樓殿間闕望綺羅翔禽逐節舞流水赴弦歌細
 管吹藜竹新杯捲半荷南宮冠蓋下日暮風塵多
 玉柙珠簾捲金鈎翠幔懸荷香薰水殿閣影入池蓮平
 沙臨浦口高柳對樓前上橋還倚望遙看採菱船
 高閣千尋跨重簷百丈齊雲度三分近花飛一倍低吹
 簫迎白鶴照鏡舞山雞何勞愁日暮未有夜鳥啼
 河流值淺岸斂轡暫經過弓衣濕濺水馬足亂橫波半
 城斜出樹長林直枕河今朝遊俠客不畏風塵多
 度橋猶徙倚坐石未傾壺淺草開長埒行營繞細厨沙
 洲兩鶴迴石路一松孤自可尋丹竈何勞憶酒壚

上林春逕密浮橋柳路長龍媒逐細草鶴鬢映垂楊水
似桃花色山如甲煎香白石青泉上誰能待月光

白石春泉滿黃金新埒開戚里車先度蘭池馬卽來落
花承舞席春衫拭酒杯行厨半路待載妓一雙廻

將軍息邊務校尉罷從戎池臺臨戚里弦管入新豐浮
雲隨走馬明月逐彎弓比來多射獵唯有上林中

三危上鳳翼九坂度龍鱗路高山裏樹雲低馬上人懸
巖泉溜響深谷鳥聲春住馬來相問應知有姓秦

聊開鬱金屋暫對芙蓉池水光連岸動花風合樹吹春
杯猶雜泛細葉尚連枝不畏歌聲盡先看箏柱歎

洞靈開靜室雲氣滿山齋古松栽數樹盤根無半埋愛
靜魚爭樂依人鳥入懷仲春徵隱士蒲輪上計偕

今朝好風日園苑足芳菲竹動蟬爭散蓮搖魚暫飛面
紅新著酒風晚細吹衣跂石多時望蓮船始復歸

金鞍聚磧岸玉舳泛中流畫鷁先防水媒龍卽負舟沙
城疑海氣石岸似江樓崩槎時半沒壞舸或空浮定是
汾河上戈船聊試遊

竟日坐春臺芙蓉承酒盃水流平澗下山花滿谷開行
雲數番過白鶴一雙來水影搖蕤竹林香動落梅直上
山頭路羊腸能幾廻

五言古詩 卷四十三 十九
詠羽扇

搖風碎朝翮
拂汗落毛衣
定似回谿路
將軍垂翅歸
鏡

玉匣聊開鏡
輕灰暫拭塵
光如一片水
影照兩邊人
月生無有桂
花開不逐春
試挂淮南竹
堪能見四鄰

塵鏡

明鏡如明月
恒常置匣中
何須照兩鬢
終是一秋蓬

題結綫袋子

交絲結龍鳳
鏤彩織雲霞
一寸同心縷
千年長命花

彈棊

王褒

投壺生電影
六博值仙人
何如鏡奩上
自有拂輕巾
隔澗疑將別
隴頭如望秦
握筆徒思賦
辭短竟無陳

詠山

隋劉斌

靈山峙千仞
蔽日且差峩
紫蓋雲陰遠
香爐煙氣多
石梁高鳥路
瀑水近天河
欲知聞道里
別自有仙歌

奉和周趙王詠石

崔仲方

玉繩隨月落
金碑映日鮮
入江疑濯錦
出峽似開蓮
文馬河西瑞
兵符濟北篇
會逐靈槎上
還歸天漢邊

賦得石

虞茂

蜀門鬱遐阻
燕碣遠參差
獨標千丈峻
共起百重危
鏡

五言古詩 卷四十三
峯含月魄蓋嶺逼雲枝徒然抱貞介填海共誰知

賦得臨階危石

岑德潤

當階聳危石殊狀實難名帶山疑似虎侵波或類鯨雲
峯臨棟起蓮影入簷生楚人終不識徒自蘊連城

賦昆明池一物得織女石

虞茂

隔河圖列宿清漢象昭回支機就鯨石拂鏡取池灰船
疑海槎渡珠似客星來所恨雙蛾歛逢秋遂不開

詠灰

岑德潤

圖規暈不缺氣改律還虛欲然愁獄吏棄道畏刑書未
得逢疆陣輕舉欲馬如

賦得珠簾

慮思道

鑑帷明欲歛照檻色將晨可憐踈復密隱映當窻人浮
清帶遠吹含光動細塵落花時屢拂會待玉階春

詠苔紙

薛道衡

昔時應春色引淥泛清流今來承玉管布字改銀鈎

賦得鏡

李巨仁

魏公知本姓秦樓識舊名鳳從臺上出龍就匣中生無
波菱自動不夜月恒明非唯照佳麗復得厭山精

詩所第四十四卷

五言古詩

失題

漢孔融

歸家酒債多門客粲幾

一作成

行高談滿四座一日傾千

觴

又云座上客長滿樽中酒不空

悲憤詩

蔡琰

漢季失權柄董卓亂天常志欲圖篡弒先害諸賢良逼

迫遷舊邦擁主以自彊海內興義師欲共討不祥卓衆

來東下金甲耀日光平土人脆弱來兵皆胡羌獵野圍

城邑所向悉破亡斬截

一作穢

無孑遺尸骸相掌拒馬邊

縣男頭馬後載婦女長驅西入關迥路險且阻還顧邈

冥冥肝脾爲爛腐所略有萬計不得令屯聚或有骨肉
俱欲言不敢語失意幾微間輒言斃降虜要當以膏刃
我曹不活汝豈復惜性命不堪其詈罵或便加捶杖毒
痛參并下旦則號泣行夜則悲吟坐欲死不能得欲生
無一可彼蒼者何辜乃遭此厄禍邊荒與華異人俗少
義理處所多霜雪胡風春夏起翩翩吹我衣肅肅入我
耳感時念父母哀歎無窮已有客從外來聞之常歡喜
迎問其消息輒復非鄉里邂逅微時願骨肉來迎已已
得自解免當復棄兒子天屬綴人心念別無會期存亡
永乖隔不忍與之辭兒前抱我頸問母欲何之人言母

當去豈復有還時阿母常仁惻今何更不慈我尚未成
人奈何不顧思見此崩五內恍惚生狂癡號泣手撫摩
當發復回疑兼有同時輩相送告離別慕我獨得歸哀
叫聲摧裂馬爲立踟躕車爲不轉轍觀者皆歔歔行路
亦嗚咽去去割情戀遄征日遐邁悠悠三千里何時復
交會念我出腹子胷臆爲摧敗旣至家人盡又復無中
外城郭爲山林庭宇生荆艾白骨不知誰從橫莫覆蓋
出門無人聲豺狼號且吠笄笄對孤景怛咤糜肝肺登
高遠眺望魂神忽飛逝奄若壽命盡旁人相寬大爲復
疆視息雖生何聊賴託命於新人竭心自勗厲流離成

鄙賤常恐復捐廢人生幾何時懷憂終年歲

雜詠 二首

魏陳思王植

僕夫早嚴駕吾將遠行游遠游欲何之吳國爲我仇將
騁萬里途東路安足由江介多悲風淮泗馳急流願欲
一輕濟惜哉無方舟閒居非吾志甘心赴國憂

飛觀百餘尺臨牖御櫺軒遠望周千里朝夕見平原烈
士多悲心小人媮自閒國讎亮不塞甘心思喪元拊劍
西南望思欲赴太山絃急悲聲發聆我慷慨言

七步詩

煮豆持作羹漉豉以爲汁萁在釜中然豆在釜中泣本

是同根生相煎何太急

思慕詩

吳質

愴愴懷殷憂殷憂不可居徙倚不能坐出入步踟躕念
蒙聖主恩榮爵與衆殊自謂永終身志氣甫當舒何意
中見棄棄我就黃墟鞮鞮靡所恃淚下如連珠隨沒無
所益身死名不書慷慨自俛仰庶幾烈丈夫

遠遊詩

秦宓

遠遊何所見所見邈難紀巖穴非我鄰林麓無知己虎
則豹之兄鷹則鷄之弟困獸走環岡飛鳥驚巢起猛氣
何咆厲陰風起千里遠遊長太息太息遠遊子

失題

晉傅咸

零露漙江海飛塵崇山岳過謬佐台輔安能任鼎餗

雜詠

棗據

吳寇未殄滅亂象侵邊疆天子命上宰作蕃于漢陽開
國建元士玉帛聘賢良予非荆山璞謬登和氏塲羊質
服虎文燕翼假鳳翔旣懼非所任怨彼南路長千里旣
悠邈路次限關梁僕夫罷遠涉車馬困山岡深谷下無
底高巖暨穹蒼豐草停滋潤霧露沾衣裳玄林結陰氣
不風自寒涼顧瞻情感切惻愴心哀傷士生則懸弧有
事在四方安得恒逍遙端坐守閨房引義割外情內感

實難忘

哀詩

潘岳

漙如葉落樹邈若雨絕天雨絕有歸雲葉落何時連山
氣冒岡嶺長風鼓松栢堂虛聞鳥聲室暗如日夕晝愁
奄逮昏夜思忽終昔展轉獨悲窮泣下沾枕席人居天
地間飄若遠行客先後詎能幾誰能弊金石

內顧詩

二首一作潘尼

靜居懷所歡登城望四澤春草鬱青青桑柘何奕奕芳
林振朱榮淥水激素石初征冰未泮忽焉衿絺綌漫漫
三千里迢迢遠行客馳情戀朱顏寸陰過盈尺夜愁極

五言古詩 卷四十四 四
清晨朝悲終日夕山川信悠永願言良弗獲引領訊歸期沈思不可釋

獨悲安所慕人生若朝露綿邈寄絕域眷戀想平素爾情既來追我心亦還顧形體隔不達精爽交中路不見山下松隆冬不易故不見澗邊栢歲寒守一度無謂希見疎在遠分彌固

感舊詩

曹攄

富貴他人合貧賤親戚離靡蘭門易軌田實相奪移晨風集茂林棲鳥去枯枝今我一作困蒙羣士所一作背馳鄉人敦懿義濟濟蔭光儀一作頌有客舉觴詠露斯臨

樂何所歎素絲與路岐

感遇

周處

去去世事已策馬觀西戎藜藿甘梁黍期之克令終

時興詩

盧諶

亶亶圓象運悠悠方儀廓忽忽歲云暮游原采蕭藿北踰芒與河南臨伊與洛凝霜霑蔓草悲風振林薄撼撼芳葉零榮榮芬華落下泉激冽清曠野增遼索登高眺遐荒極望無崖壘形變隨時化神感因物作澹乎至人心恬然存玄漠

責子

陶淵明

白髮被兩鬢肌膚不復實雖有五男兒總不好紙筆阿
舒已二八懶惰故無匹阿宣行志學而不愛文術雍端
年十三不識六與七通子垂九齡但覓梨與栗天運苟
如此且進杯中物

誠族子

謝混

康樂誕通度實有名家韻若加繩染功剖瑩乃瓊瑾靈運

宣明體遠識穎達且沈雋若能去方執穆穆三才所

宣明阿多標獨解弱冠纂華胤質勝誠無文其尚又能峻

在多通遠懷清悟采采標蘭訊直轡鮮不躓抑用解偏

瞻字微子基微尚無倦由慕蘭勿輕一簣少進往必

千仞微即弘微數子勉之哉風流由爾振如不犯所知此外

無所慎

酌貪泉賦詩

吳隱之

古人云此水一飲懷千金一作石門有貪泉一飲重千金試使夷齊飲

終當不易心

辭難潮溝

宋顏延之

徘徊眷郊甸俛仰引單襟一塗苟不豫百慮畢來侵永
懷交在昔有願誓瑟琴寫言勞者事將用慰亡簪

述祖德詩

序曰大元中王父龕定淮南負荷世業專主隆人逮賢相祖謝君子道消拂衣

潘岳考卜東山事同樂生之時志期范蠡之舉詩二首

謝靈運

五言古詩 卷四十四 六
達人貴自我高情屬天雲兼抱濟物性而不纓垢氛段
生蕃魏國展季救魯人弦高犒暗師仲連卻秦軍臨組
乍不緜對珪寧肯分惠物辭所賞勵志故絕人茗茗歷
千載遙遙播清塵清塵竟誰嗣明哲垂一作時經綸委講
綴疑作輟道論改服康世屯屯難既云康尊主隆斯民
中原昔喪亂喪亂豈解已崩騰永嘉末逼迫太元始河
外無反正江介有蹠圯萬邦咸震懾橫流賴君子拯溺
由道情龕暴資神理秦趙欣來蘇燕魏遲文軌賢相謝
世運遠圖因事止高揖七州外拂衣五湖裏隨山疏濟
潭傍巖藝粉梓遺情捨塵物貞觀丘壑美

述懷詩

韓亡子房奮秦帝魯連耻本自江海人忠義感君子

連句

謝世基

偉哉橫海鯨

一作鱗

壯矣垂天翼一旦失風水翻爲螻蟻

食

續世基詩

謝晦

功遂侔昔人保退無智力既涉太行險斯路信難陟

種蘭詩

袁淑

種蘭忌當門懷璧莫向楚楚少別玉人門非植蘭所

被幽述志詩

序曰有梁正士蘭陵蕭綱立身行已終始若一風雨如晦雞鳴不已非欺

五言古詩 卷四十四
暗室豈沈三光數至於此命也 梁簡文帝
如何

况忽煙霞散颼颼松栢陰幽山白楊古野路黃塵深終
無千月命安用九丹金闕里長蕪沒蒼天空照心

元帝

玉節威雲夢金

肅戈臨塹白日羽映流紅單

醪結猛將芳餌引羣鷺箭擦淇園竹劍聚若溪銅亟覩
周王駿多逢鮑氏驄謀出河南賈威寄隴西馮溪雲連
陣合却月半山空樓前飄密柳井上落踈桐差營逢霍
雨立壘挂長虹

五言詩

寒泥猶稽命新都久未平留滯淹三楚嶺岼保一城終
當撫期運伐罪弔蒼生

幽逼詩

四首

南風且絕唱西陵最可悲今日還蒿里終非封禪時
人生逢百六天道異貞恒何言異螻蟻一旦損鯤鵬
松風侵曉哀霜霧當夜來寂寥千載後誰畏軒轅臺
夜長無歲月安知秋與春原陵五樹杏空得動耕人

獄中連句

蕭圓正

水長二江急雲生三峽昏願赦

一作貫

淮南罪思報阜陵

恩

酌修仁水賦詩

范雲

三楓何習習五渡何悠悠且飲修仁水不挹背邪流

被執作

庾肩吾

髮與年俱暮愁將罪共深聊持轉風燭暫映廣陵琴

在渭陽賦詩

王偉

平明聽戰鼓薄暮敘存亡楚漢方龍鬪秦關陣未央

獄中贈人詩

趙壹能為賦鄒陽解獻書何惜西江水不救轍中魚

述志詩

劉璠

隨會平王室夷吾匡霸功虛薄無時用徒然慕昔風

聞侯方兒來寇

僧正惠

羊皮贖去士馬革歛還尸天下方無事孝廉非哭時

五言詩

北魏節閔帝

朱門久可患紫極非情翫顛覆立可待一年三易換時

運正如此惟有脩真觀

感遇

濟陰王暉業

昔居王道泰濟濟富羣英今逢世路阻狐兔鬱縱橫

斷句

劉昶

白雲滿郭來黃塵暗一作半天起關山四面絕故鄉幾千

里

高平牧馬詩

董紹

走馬山之阿馬渴飲黃河寧謂胡關下復聞楚客歌

慨然成詠 二首

周庾信

昔日謝安石求為淮海人彷彿新亭岸猶言洛水濱南
冠今別楚荆玉遂遊秦倘使如楊僕寧為關外民
新春光景麗遊子離別情交讓未全死梧桐唯半生值
熱花無氣逢風水不平寶雞雖有祀何時能更鳴

書屏風

隋大義公主

盛衰等朝露 一作暮 世道若浮萍榮華實難守池臺終自
平富貴今何 一作安 在空事寫丹青杯酒恒無樂弦歌詎

有聲余本皇家子飄流入虜廷一朝覩成敗懷抱忽縱
橫古來共如此非我獨申名惟有明 一作昭 君曲偏傷遠
嫁情

於婺州被囚

虞綽

窮達雖有命逋逃誠負累背恩已偷生臨危未能死得

待一作 罪既不測中心悵無已厚顏羞朋友囚心愧妻子

聖日始東扶徂年迫西汜方違盛明代永向幽泉裏況

當此春節物候驚田里桃蹊日影亂柳逕秋 疑作和 風起

動植皆順性嗟余獨淪耻投筆不重陳此情寄知己

與胡師曉同繫胡州出被刑獄中 魯本

叔夜弦初絕韓安灰未然相悲不相見幽繫與幽泉

淮陽感秋

李密

金風颺一作初節玉露凋晚林此夕窮途士鬱陶傷寸

心一作空軫鬱陶心眺聽良多感徒倚一作慷慨獨沾襟沾襟何所

為悵然懷古意秦俗猶未平漢道將何冀樊噲市井屠

徒一作蕭何刀筆吏一朝時運合萬古傳名謚一作寄言

世上雄虛生真可愧

悼歎

釋慧輪

衆美乃羅列羣英已古今也知生歿分那得不傷心

臨終詩

漢孔融

言多令事敗器漏苦不密河潰蟻孔端山壞由猿穴涓

涓江漢流天窻通冥室讒邪害公正浮雲翳白日靡辭

無忠誠華繁竟不實人有兩三心安能合為一三人成

市虎浸漬解膠漆生存多所慮長寢萬事畢

前題

晉歐陽建

伯陽適西戎孔子欲居蠻苟懷四方志所在可遊盤况

乃遭屯蹇顛沛遇災患古人達機兆策馬遊近關咨余

冲且暗抱責守微官潛圖密已構成此禍福端恢恢六

合間四海一何寬天網布絃綱投足不獲安松柏隆冬

悴然後知歲寒不涉太行險誰知斯路難真偽因事顯

人情難豫觀窮達有定分慷慨復何歎上負慈母恩痛
酷摧心肝下顧所一作嬌憐女惻惻心中酸二子棄若遺
念皆邁凶殘不惜一身死惟此如循環執紙五情塞揮
筆涕洟瀾

前題

符朗

四大起何因聚散無窮已既適一生中又入一死理冥
心乘和暢未覺有終始如何箕山夫奄焉處東市曠此
百年期遠同嵇叔子命也歸自天委化任冥紀

前題

宋謝靈運

龔勝無餘生季業有終盡稽公理既迫霍生命亦殞悽

悽後

一作凌

霜栢納納衝風菌邂逅竟無時

一作幾

脩短非

所愍恨我君子志不得巖下泯送心正覺前斯痛久已
忍唯願乘來生怨親同心朕

一恨我二句在送心二句下無末二句

前題

范曄

禍福本無兆性命歸有極必至定前期誰能延一息在
生已可知來緣愷無識好醜共一丘何足異枉直豈論
東陵上寧辨首山側雖無嵇生琴庶同夏侯色寄言生
存子此路行復卽

前題

吳邁遠

傷歌入松路斗酒望青山誰非一丘土參差前後間

前題

齊顧歡

五塗無恒宅三清有常舍精氣因天行游魂隨物化鵬
鷗適大海蜩鳩之桑柘達生任去留善死均日夜委命
安所乘何方不可駕翹心企前覺融然從此謝

前題

一作法恭題云遘疾

陳釋智愷

千月一作秋

本難滿三時理易傾石火無恒燄電光非久

明遺文空滿筭徒然昧後生泉路方幽曠寒隴向淒清
一隨朝露盡唯有夜松聲

前題

北魏孝莊帝

權去生道促憂來死路長懷恨出國門含悲入鬼鄉隧

門一時閉幽庭豈復光思鳥吟青松哀風吹白楊昔來
聞死苦何言身自當

前題

二首一作絕命詩

中山王熙

義實動君子主辱死忠臣何以明是節將解七尺身右示

寮吏

平生方寸心殷勤屬知己從今一銷化悲傷無極已右別

知友

前題

二首

隋釋靈裕

今日坐高堂明朝卧長棘一生聊已竟來報將何息右哀
速終

命斷辭人路骸送鬼門前從今一別後更會幾何年右悲

永殯

前題

釋智命

幻生還幻滅大幻莫過身安心自有處求人無有人

詩所第四十五卷

五言古詩

尸鄉亭

一作顏之推

晉陸機

東遊觀鞏洛逍遙丘墓間秋草漫長柯寒水入雲烟發軫有夙宴息駕無愚賢

八陣圖

桓温

望古識其真臨源愛往跡恐君遺事節聊下南山石

桃花源詩

序曰晉太元中武陵人捕魚為業緣溪行忘路之遠近忽逢桃花林夾岸數百

步中無雜樹芳草鮮美落英繽紛魚人甚異之復前行欲窮其林林盡水源便得一山山有小口髣髴若有光便捨船從口入初極狹纔通人復行數十步豁然開朗土地平曠屋舍儼然有良田美池桑竹之屬阡陌交通雞犬相聞其中往來種作男女衣著悉如外人黃髮垂髫並怡

然自樂見漁人乃大驚問所從來具答之便要
還家設酒殺雞作食村中聞有此人咸來問訊
自云先世避秦時亂率妻子邑人來此絕境不
復出焉遂與外人間隔問今是何世乃不知有
漢無論魏晉此人一一爲具言所聞皆歎惋餘
人各復延至其家皆出酒食停數日辭去此中
人語云不足爲外人道也既出得其船便扶向
路處處誌之及郡下請太守說如此太守即遣
人隨其往尋向所誌遂迷不復得路南陽劉子
驥高尚士也聞之欣然親往未果尋病終後遂
無問津者

陶淵明

嬴氏亂天紀賢者避其世黃綺之商山伊人亦云逝往
迹浸復湮來逕遂蕪廢相命肆農耕日入從所憇桑竹
垂餘蔭菽稷隨時藝春蠶收長絲秋熟靡王稅荒路曖
交通鷄犬互鳴吠俎豆猶古法衣裳無新製童孺縱行

歌斑白歡游詣草榮識節和木衰知風厲雖無紀曆誌
四時自成歲怡然有餘樂于何勞智慧竒蹤隱五百一
朝敞神界淳薄旣異源旋復還幽蔽借問游方士焉測
塵囂外願言躡輕風高舉尋吾契

諸人共游周家墓栢下

今日天氣佳清吹與鳴彈感彼栢下人安得不爲懽清
歌散新聲綠酒開芳顏未知明日事余襟良已殫

拜衡陽文王義季墓

宋孝武帝

昧旦憑行軾濡露及山庭投步矜履蹈舉目增淒清輶
路滅歸軫淪闔負重扃深松朝已霧幽隧晏未明長楊

五言古詩 卷四十五 二
敷晚素宿草披初青哀往起沈泉追愛慟中情竹帛憑
年遠世範隨伏傾

遊豫章西觀洪崖井

謝莊

幽願平生積野好歲月彌捨簪神區外整褐靈鄉垂林
遠炎天隔山深白日虧游陰騰鵠嶺飛清起鳳池隱曖
松霞被容與澗煙移將遂丘中性結駕終在斯

七里瀨

謝靈運

羈心積秋晨晨積展遊眺孤客傷逝湍徒旅苦奔峭石
淺水潺湲日落山照曜荒林紛沃若哀禽相叫嘯遭物
悼遷斥存期得要妙既秉上皇心一作情豈屑末代諠日

覩嚴子瀨想屬任公釣誰謂古今殊異代可同調

經漢高廟

范泰

嘯吒英豪萃指揮五嶽分乘彼道消勢遂廓宇宙氛重
瞳豈不偉奮臂騰羣雄壯力拔高山猛氣烈迅風恃勇
終必撓道勝業自隆

行經張子房廟

鄭鮮之

七雄裂周紐道盡鼎亦淪長風晦崑溟潛龍動泗濱紫
煙翼丹虬靈媪悲素鱗

從過舊宮

鮑照

肅裝屬雲旅奉勒承末塗嚴恭履桑梓加敬覽枌榆靈

命蘊川瀆帝寶伏篇圖虎變由石紐龍翔自鼎湖功冠
生民始道妙神器初宮陛留前一作昔制歌思溢今衢餘
祥見雲物遺像存陶漁泉流信清泌原野實甘荼豈伊
愛艷鄙天險兼上腴東秦邦北門非親誰克居仁聲日
月懋惠澤雲雨敷盧令美何歇唐風久不渝微臣逢世
慶征賦備人徒空費行葦德採束謝生芻

廬陵王墓下作

謝靈運

曉月發雲陽落日次朱方含悽泛廣川灑淚眺連岡眷
言懷君子沈痛切中腸道消結憤懣運開申悲涼神期
恒若存德音初不忘徂謝易永久松栢森已行延州協
心許楚老惜蘭芳解劍竟何及撫墳徒自傷平生疑若
人通蔽互相妨理感心情慟定非識所將脆促良可哀
天枉特兼常一隨徃化滅安用空名揚舉聲泣已瀝長
歎不成章

同隨王經劉瓛墓下

一云登山望雷居士精舍同
沈右衛過劉先生墓下作序

曰沛國劉子珪學優未仕跡邇心遐履信體仁
古之遺德潛舟迅景滅賞淪輝言念芳猷式懷
嗟迷屬舍弟隨郡有示來篇彌緝久要之情益
深宿草之歎并望西山率爾爲答雖因事甯生
實申悲劉子云爾

齊竟陵王子良

漢陵淹館蕪晉殄

一作彌

洙風缺五都聲論空三河文義

絕興禮邁前英談玄踰往哲明情日夜深徽音歲時滅

垣井總已平煙雲從容裔爾歎牛山悲我悼驚川逝

經劉瓛墓

隨郡王子隆

升堂子不謬問道余未窮如何辭白日千載隔音通山
門一已絕長夜緬難終初松切暮鳥新楊催曉風榛關
向蕪密泉途轉銷空

奉和竟陵王

謝朓

嘉樹因枝條琢玉良可寶若人陵曲臺垂帷茂淵道善
誘宗學原鳴鐘霽幽抱仁焉徂宛洛清徽夜何早歲晚
結松陰平原亂秋草不有至言揚終滯西山老

奉和

虞炎

下帷聞昔儒窺園信且逸聚學叢煙郊棲遁事環草戢
景謝歸年稅駕空悠日庭露已沾衣松門向蕭瑟憫憫
神念周依依惠言密

奉和

梁沈約

表閭欽逸軌軾墓禮真寘化塗終眇默神理曖猶存塵

經

一作
駕

未輟幌高衡已委門日蕪子雲舍徒望董生園

華陰無遺市楚席有靈樽玄泉倘能慰長夜且勿論

奉和

柳惲

西河寂高業北海望清塵音徽誰與寄尚德在伊人遺
文重昭晰絕緒復紛綸露華白朝日蘭生無久春芳猷

五言古詩 卷四十五 五
動淵思撫軾履高辰山風起寒木野雀亂秋榛
隴草時易宿素軌邈難遵

和伏武昌登孫權故城

伏曼容爲武昌太守

齊謝朓

炎靈遺劔璽當塗駭龍戰聖期缺中壤霸功興
寓縣鵠起登吳山鳳翔凌楚甸衿帶窮巖險帷
帟盡謀選北拒溺駮鑣西龕收組練江海旣無
波俯仰流英眇裘冕類禋郊卜揆崇離殿鈞臺
臨講閱樊山開廣讌文物共葳蕤聲明且葱蒨
三光厭分景書軌欲同薦參差世紀忽寂寞市
朝變舞館識餘基歌梁想遺囀故林衰木平荒
池秋草徧雄圖悵若茲茂宰深遐睠幽客滯江
臯從賞乖纓弁清卮阻獻酬良書限聞見幸藉
芳音多承風采餘絢于役倘有期鄂渚同遊衍

登琴臺

梁簡文帝

蕪階

一作陌

踐昔徑復想鳴琴遊音容萬春罷高名千載

留弱枝生古樹舊石染新流由來遞相歎逝川終不收
伍員廟

去國資孝本循忠全令名舟裏多竒計蘆中復吐誠偃
月交吳艦魚麗入楚營光功摧妙筭載籍有餘聲洪濤
猶鼓怒靈廟尚淒清行潦承椒奠按歌雜鳳笙無勞晉
后璧詎用楚臣纓密樹臨寒水踈扉望遠城窓寮野霧

入衣帳積苔生惟有三青鳥歛翅時逢迎

奉和

元帝

石城寧足拒金陣詎能追楚關開六塞吳兵入九圍山
水猶縈帶城池失是非空餘壽宮在日暮舞靈衣

漢高廟

簡文帝

玉執朝行動閭闔旦應開白雲蒼梧去丹鳳咸陽來日
正山無影城斜漢屢迴瞻流如地脉望嶺匹天台欲祛
九秋恨聊舉十千杯

奉和

庾肩吾

昔在唐山曲今承紫貝壇寧知臨楚岸非復望長安野

曠秋先動林高葉早殘塵飛遠騎沒日徙一作過半峯寒
徒然仰成誦終用試才難

奉和

劉孝儀

珪幣崇明祀牲樽禮貴神風驚如集廟光至似來陳徘徊
靈駕入叫咷倡歌新將言非爲已致敬乃祈民多才
與多事今古獨爲鄰

奉和

劉遵

分蛇淪霸迹提劍滅雄威空餘清祀處無復瑞雲飛仙
車照丹穴霓裳影翠微投玦要漢女吹管召湘妃幸逢
懷精日豫奉沐休歸

奉和

王臺卿

沐芳事椒醕駕言遵壽宮
瑤臺斜接岫玉殿上凌空
樹出垂巖影竹引帶山風
階長霧難歇窓高雲易通
所悲樽俎撤按歌曲未終

奉和 一作徐摛

陳徐陵

山宮類牛首漢寢若龍川
玉盃無秋耐金燈滅夜煙
丹帷迫靈嶽紺席下羣仙
堂虛沛筑響釵低戚舞妍
何殊后廟裏子建作華篇

登顏園故閣

元帝

高樓三五夜流影入丹墀
先時留上客夫壻美容姿
粧成理蟬鬢笑罷斂蛾眉
衣香知步近釧動覺行遲
如何舞館樂翻見歌梁悲
猶懸北窓幌未捲南軒帷
寂寂空郊暮非復少年時

過建章故臺

庾肩吾

魯國觀遺殿韓城想舊臺
仲宣原隰滿子建悲風來
夏蓮猶反植秋牕尚左 一作不開圖雲仍溜 一作洩雨畫水卽生苔
及君歡四望知余念七哀

亂後行經吳御亭 一作庾信

御亭 一作郵一回望風塵千里昏
青袍異春草白馬卽吳門
獯戎鯁伊洛襍種亂鞞轅
輦道同關塞王城似太原

休明鼎尚重秉禮國猶存殷牖爰雖蹟堯城吏轉尊泣
血悲東走橫戈念北奔方憑七廟略誓雪五陵冤人事
今如此天道共誰論

經嚴陵瀨

東陽還贈蕭大夫

王筠

子陵狗高尚超然獨長往釣石宛如新故態依可想

登二妃廟

吳均

朝雲亂入

疑作人

帝女湘川宿折齒巫山下采荇洞庭

腹故以輕薄好千里命艫舳何事非相思江上葳蕤竹

亂後經夏禹廟

庾肩吾

金簡泥初發龍門鑿始通配天不失舊為魚微此功林

堂上偃蹇山殿下穹隆侵雲似天闕照水類河宮神來

導赤豹仙女擁飛鴻松龕撤暮俎棗逕落寒叢仙舟還

入鏡玉軸更乘空去國嗟行邁離居泣轉蓬月起吾一作

吳山北星臨天漢中申胥猶有志荀息本懷忠待見攬

搶滅歸來松栢桐

經陳思王墓

公子獨憂生丘壠擅餘名採樵枯對盡犁田荒隧平寧

追宴平樂詎想謁承明日余來錫命兼言事結成飄颻

河朔遠颭颭颶風鳴鴈與雲俱陣沙將蓬共驚枯桑落

古社寒鳥歸孤城隴水哀葭曲漁陽慘鼓聲離家來遠

五言古詩 卷四十五
客安得不傷情

行經孫氏陵

何遜

昔在零陵厭神器若無依逐兔爭先捷倚鹿競因機呼
喙開伯道叱咤掩江畿豹變分奇略虎視肅戎威長蛇
衄巴漢驥馬絕淮淝交戰無內禦重門豈外扉成功舉
已棄凶德復而違水龍忽東驚青蓋乃西歸竭來已一作
易永久年代曖微微苔石疑文字荆墳失是非山鶯空
曙響隴月自秋暉銀海終無浪金鳧會不飛聞寂今如
此望望沾人衣

冬節後至丞相第詣世子車中作 沈約

廉公失權勢門館有虛盈貴賤猶如此况乃曲池平高
車塵未滅珠履故餘聲賓階綠錢滿客位紫苔生誰當
九原上鬱鬱望佳城

入元襄王第

蕭子範

伏軾窺東苑收淚下玉橋昔時方轂處於今共寂寥夾
池猶裊裊仙榭尚迢迢一同西靡柏徒思芳樹蕭

和蕭子範

王筠

昔入睢陽苑連步披風雲今遊故臺處回望間無人皓
壁留餘篆蕙圃有餘芬行人皆隕涕何獨孟嘗君

行過康王故第苑

一作劉孝威

劉孝儀

入梁逢故苑度薛見餘宮尚識招賢閣猶懷愛士風靈
光一超遠衡館亦蒙籠洞門餘舊色甘棠留故藂送禽
悲不去過客慕難窮池竹徒如在林堂暖已空遠橋隔
樹出迴澗隱崖通芳流小山桂塵起大王風具物咸如
此是地感余衷空想陵前劔徒悲壘上童一作桐

遊潮山悲古塚

虞騫

長林帶朝夕霧一作孤嶺枕江村疎松含白水密篠滿平
原荒墳改凍葉低壠變年根西光長檟落促爾膝前尊
行經范僕射故宅 何遜

旅葵應蔓井荒藤已上扉寂寂空郊暮無復車馬歸湫
灩故池水蒼茫落日暉遺愛終何極行路獨沾衣

塘邊見古塚

行路一孤墳路成墳欲毀空疑年代積不知陵谷徙幾
逢一作經秋葉黃驟見春流瀾金蠶不可織玉樹何時蒞
陌上驅馳人笑歌自侈靡今日非明日所念誰憐此

經豐城劔池

陳陰鏗

清池自湛澹神劔久遷移無復連星氣空餘似月池夾
篠澄深淥含風結細漪唯有蓮花萼還想匣中雌

侍遊紀南故城

一作江淹從建平王遊紀南城

恭承此嘉惠末官至南荆歛衽依一作承光采端笏奉仁

明再逢綠草合重見翠雲生江甸知禮富漢渚聞教清
君王澹以思樹羽望楚城年積衣劔滅地遠宮館平錦
帳終寂寞綵瑟祕音英丹沙信難學黃金不可成遷化
每如茲安用貴空名流巖慘中懷疑意方自驚願借若
木景長照憂人情

望故郢州城

沈炯

竟今何處返非歿復非仙坐柯如昨日石合一作合石未淹
年歷陽頓成浦東海果爲田空憶扶風詠誰一作惟見峴
山傳世變才良改時移民物遷悲哉孫驃騎悠悠哭彼
天

登吳昇平亭

一云遊若邪雲門精舍

釋洪偃

蕭蕭物候晚蕭蕭天望清旅人聊策杖登高蕩客情川
原多舊迹墟里或新名宿烟浮始旦朝日照初晴獨遊
乏徒侶徐步寡逢迎信美非吾託賞心何易并

行經季子廟

張正見

延州高讓遠傳芳世祀移地絕遺金路松悲懸劔枝野
藤侵沸井山雨濕苔碑別有觀風處樂奏無人知

聘齊經孟嘗君墓

陳昭

薛城觀舊跡征馬屢徘徊盛德今何在唯餘長夜臺蒼
茫空壟路顛顛古松栽悲隨白楊起淚想雍門來泉戶

五言古詩 卷四十五
無關吏雞鳴誰爲開

奉和東宮經故妃舊殿

江總

故殿看看冷空階步步悲猶憶窺牕處還如解佩時
苔生無意早燕入有言遲若令歸就月照見不須疑

遊故苑

釋曇瑗

丹陽松葉少白水黍苗多浸淫下客淚哀怨動民歌
春溪度短葛秋浦沒長莎麋鹿自騰倚車騎絕經過
蕭條四野望惆悵將如何

前題

一作何偃

釋洪偃

龍田留故苑汾水結餘波悵望傷遊目辛酸思緒多
涼

颺慘高樹濃露變輕蘿澤葵猶帶井池竹尚一作侵荷
秋風徒自急無復白雲歌

行經古墓

陰鏗

偃松將古墓年代理當深表柱應堪燭碑書欲有金迴
墳由路毀荒隧受田侵霏霏野霧合昏昏隴日沈懸劍
今何在風揚空自吟

過舊宮

周明帝

玉燭調秋氣金輿歷舊宮還如過白水更似入新豐
霜潭漬晚菊寒井落疎桐舉杯延故老今聞歌大風

奉和趙王春日西京路

庾信

直城龍首抗橫橋天漢分風鳥疑近日露掌定高雲新
渠還入渭舊鼎更開汾漢獵熊攀檻秦田雉失羣宜年
動春律御宿歛寒氛弄玉迎簫史東方覓細君楊柳成
歌曲蒲桃學繡文鳥鳴還獨解花開先自薰誰知灞陵
下猶有故將軍

老子廟 應詔

虛無推馭辨寥廓本乘蜺三門臨苦縣九井對靈谿盛
丹須竹節量藥用刀圭石似臨邛芋芝如封禪泥氈毛
新鵠小盤根古樹低野戍孤煙起春山百鳥啼路有三
千別途經七聖迷唯一作當別關吏直向流沙西

西門豹廟

君子為利博達人樹德深蘋藻由斯薦樵蘇幸未侵恭
聞正臣一作直祀良識佩韋心容範雖年代徽猷若可尋
菊花隨酒馥槐影向窓臨鶴飛疑逐舞魚驚似聽琴漳
流鳴磴石銅雀影秋林

過徐君墓

無名法師

延陵上國返枉道訪徐公歿生命忽異懽娛意不同始
往邗山北聊踐平陵東徒解千金劍終恨九泉空日盡
荒郊外煙生松栢中何言愁寂寞日暮白楊風

遊梁城

隋盧思道

揚鑣歷汴浦迴扈

一作入梁墟漢藩文雅地清塵暖有

餘賓遊多任俠臺苑盛簪裾歎息徐公劍悲涼鄒子書

亭臯落照盡原野迥寒初鳥散空城夕煙銷古樹疎東

越嚴子陵西蜀馬相如脩名竊所慕長謠獨課虛

過故鄴

段君彥

玉馬芝蘭北金鳳鼓山東舊國千門廢荒壘四郊通深

潭直有菊涸井半生桐粉落粧樓毀塵飛歌殿空雖臨

玄武觀不識紫微宮年代俄成昔唯餘風月同

和謁孔子廟

一作李百藥

劉斌

性與雖天縱主世乃無由何言泰山毀空驚逝水流及

門思徃烈入室想前脩寂寞荒堦暮摧殘古木秋遺風
暖如此聊以慰蒸求

春夕經行留侯墓

盧思道

少小期黃石晚年遊赤松應成羽人去何忽掩高封疎
蕪枕絕野邈迤帶斜峯墳荒隧草沒碑碎石苔濃狙秦
懷猛氣師漢挺柔容盛烈芳千祀深泉閉九重夕風吟
宰樹遲光落下春遂令懷古客揮淚獨無從

和周記室遊舊京

孫萬壽

大夫愍周廟王子泣殷墟自然心斷絕何關繫慘舒僕
本漳濱士舊國亦淪胥紫陌風塵起青壇冠蓋踈臺留

子建賦宮落仲將書譙周自題柱商容誰表閭聞君懷
古曲同病亦漣如方知周處歎前後信非虛

行經舊國


蕭條金闕遠悵望羈心愁舊邸成三逕故園餘一丘庭
引田家客池泛野人舟日斜山氣冷風近樹聲秋弱年
陪宴喜方茲更獻醉脩竹慚詞賦叢桂且淹留自忝無
員職空貽不調羞武騎非吾好還思江漢遊

過故宅

元行恭

頽城百戰後荒宅四鄰通將軍樹一作已折步兵途轉
窮吹臺有山鳥歌庭聒野蟲草深斜徑沒水盡曲池空

林中滿明月是處來春風唯餘一廢井尚夾兩株桐



Vertical text on the right edge of the page, likely a page number or title, written in a traditional East Asian script. The text is partially obscured by the binding of the book.



811.12

2342